

堀反渠月匾下上都悲甘典珀反他艾反牛蓋反窶反郡反羽
 颺音麓音恬反廉反捏反塑反下反音反素反骸音餐反干反安
 締音緝音七音入音下音反音胸音正音作音反音瞬音拽反夷反結反侃反空反早反瑛反成反
 反音煨音爐音上音下音徐音烏音回音反音眩音縣音拽反一反決反整反謀反交反長反唇反音
 建音遞音弟音鈿音反音都音沒音盼音反音普音早音州音反音古音患音傀音偶音上音長音唇音
 開反乃反教反葵反務反麻反谷反欲反音反潰反墳反敗反之反合反下反落反猥反

景德傳燈錄卷第六 振六

南嶽懷讓禪師法嗣 第一世九人 見一人

江西道一禪師 姓馬名馬祖 時達揚州大坦然寺

南嶽常浩禪師 神照禪師 智達禪師 坦然禪師
 嚴峻禪師 潮州神照禪師 新羅國本如禪師 巴上八
 嚴峻禪師 潮州神照禪師 新羅國本如禪師 巴上八
 嚴峻禪師 潮州神照禪師 新羅國本如禪師 巴上八
 嚴峻禪師 潮州神照禪師 新羅國本如禪師 巴上八

第二世三十七人 馬祖法嗣一

越州大珠慧海禪師 洪州百丈山惟政禪師
 洪州泐潭法會禪師 池州杉山智堅禪師
 洪州泐潭惟建禪師 澧州茗谿道行禪師
 撫州石鞏慧藏禪師 唐州紫玉山道通禪師
 江西北蘭讓禪師 洛京佛光如滿禪師

袁州南源道明禪師

忻州鄆村自滿禪師

朗州中邑洪恩禪師

洪州百丈山懷海禪師

王姓山規式附
 華州伏樓寺慧禪師
 澧州松滋塔智聰禪師

崇英禪師

卅

唐州雲秀山神鑒禪師

揚州法藏禪師

河中府懷則禪師

河中府懷則禪師

京兆會山道悟禪師

懷讓禪師第一世

江西道一禪師漢州什邡人也姓馬氏容兒

奇異牛行虎視引舌過鼻足下有二輪文幼

歲依資州唐和尚落髮受具於渝州圓律師

唐開元中習禪定於衡嶽傳法院遇讓和尚

同叅九人唯師密受心印護之

南法之盛始千二師劉軒云大江而異派故

南主石頭往來憧憧不見二大士為無知矣

西天般若多羅記達磨云震旦雖闕無別路
要假姪孫脚下行金雞解街一類米供養下
方羅漢僧又六祖能和尚謂讓曰向後佛法
從汝邊去出馬駒蹄殺天下人厥後江西法嗣
布於天下始自建陽佛迹嶺遷至臨川次至
南康龔公山大歷中隸名於開元精舍時連
帥路嗣恭聆風景慕親受宗旨由是四方學
者雲集坐下一日謂衆曰汝等諸人各信自
心是佛此心即是佛心達磨大師從南天竺
國來躬至中華傳上乘一心之法令汝等開
悟又引楞伽經文以印衆生心地恐汝顛倒
不自信此心之法各各有之故楞伽經云佛
語心爲宗無門爲法門又云夫求法者應無
所求心外無別佛佛外無別心不取善不捨
惡淨穢兩邊俱不依怙達罪性空念念不可
得無自性故故三界唯心森羅萬象一法之
所印凡所見色皆是見心心不自見因色故
有心汝但隨時言說即事即理都無所礙菩
提道果亦復如是於心所生即名爲色知色
空故生即不生若了此心乃可隨時著衣喫

飯長養聖胎任運過時更有何事汝受吾教
聽吾偈曰 心地隨時說菩提亦只寧事理
俱無礙當生即不生 僧問和尚爲什麼說
即心即佛師云爲止小兒啼僧云啼止時如
何師云非心非佛僧云除此二種人來如何
指示師云向伊道不是物僧云忽遇其中人
來時如何師云且教伊體會大道僧問如何
是西來意師云即今是什麼意龐居士問如
水無筋骨能勝萬斛舟此理如何師云這裏
無水亦無舟說什麼筋骨一日師上堂良久
百丈收却面前席師便下堂百丈問如何是
佛法旨趣師云正是汝放身命處師問百丈
汝以何法示人百丈豎起拂子師云只這箇
爲當別有百丈拋下拂子僧問如何得合道
師云我早不合道僧問如何是西來意師便
打乃云我若不打汝諸方笑我也有小師行
脚廻於師前畫箇圓相就上禮拜了立師云
汝莫欲作佛否云某甲不解捏目師云吾不

如汝小師不對鄧隱峯辭師師云什麼處去對云石頭去師云石頭路滑對云竿木隨身逢場作戲便去才到石頭即繞禪牀一巾振錫一聲問是何宗旨石頭云蒼天蒼天隱峯無語却迴舉似於師師云汝更去見他道蒼天汝便噓噓隱峯又去石頭一依前問是何

宗旨石頭乃噓噓隱峯又無語歸來師云向汝道石頭路滑有僧於師前作四畫上一長下三短問云不得道一長三短離此四字外請和尚答師乃畫地一畫云不得道長短答汝了也忠國師問別云有一講僧來問云未審禪宗傳持何法師却問云坐主傳持何法

彼云忝講得經論二十餘本師云莫是師子兒否云不敢師作噓噓聲彼云此是法師云是什麼法云師子出窟法師乃默然彼云此亦是法師云是什麼法云師子在窟法師云不出不入是什麼法無對百丈代遂辭出門師召云坐主彼即迴首師云是什麼亦無對

師云這鈍根阿師洪州廉使問云弟子喫酒肉即是不喫即是師云若喫是中丞祿不喫是中丞福師入室弟子一百三十九人各為一方宗主轉化無窮師於貞元四年正月申登建昌石門山於林中經行見洞壑平坦處謂侍者曰吾之朽質當於來月歸茲地矣言訖而迴至二月四日果有微疾沐浴訖跏趺入滅元和中追謚大寂禪師塔曰大莊嚴今

海昏縣影堂存焉高僧傳云大覺禪師

懷讓禪師第二世馬祖法嗣

越州大珠慧海禪師者建州人也姓朱氏依越州大雲寺道智和尚受業初至江西叅馬

祖祖問曰從何處來曰越州大雲寺來祖曰來此擬須何事曰來求佛法祖曰自家寶藏不顧拋家散走作什麼我這裏一物也無求什麼佛法師遂禮拜問曰阿那箇是慧海自家寶藏祖曰即今問我者是汝寶藏一切具足更無欠少使用自在何假向外求覓師於

振六

四

言下自識本心不由知覺踊躍禮謝師事六載後以受業師年老遽歸奉養乃晦迹藏用外示癡訥自撰頓悟入道要門論一卷被法門師姪玄晏竊出江外呈馬祖祖覽訖告衆云越州有大珠圓明光透自在無遮障處也衆中有知師姓朱者迭相推識結契來越上

尋訪依附

時號大珠和尚者因馬祖示出也

師謂曰禪客我

不會禪並無一法可示於人故不勞汝久立

且自歇去時學侶漸多日夜叩激事不得已

隨荅其辯無礙

廣語出別卷

時有法師數人來謁

曰擬伸一問師還對否師曰深潭月影任意

撮摩問如何是佛師曰清潭對面非佛而誰

衆皆茫然

法眼云是即沒交涉

良久其僧又問師說何

法度人師曰貧道未曾有一法度人曰禪師

家渾如此師却問曰大德說何法度人曰講

金剛般若經師曰講幾坐來曰二十餘坐師

曰此經是阿誰說僧抗聲曰禪師相弄豈不

知是佛說耶師曰若言如來有所說法則爲

謗佛是人不解我所說義若言此經不是佛說則是謗經請大德說看辯師少頃又問經云若以色見我以音聲求我是人行邪道不能見如來大德且道阿那箇是如來曰某甲到此却迷去師曰從來未悟說什麼却迷僧曰請禪師爲說師曰大德講經二十餘坐却

振六

五

未識如來其僧再禮拜願垂開示師曰如來

者是諸法如義何得忘却曰是是諸法如義

師曰大德是亦未是曰經文分明那得未是

師曰大德如否曰如師曰木石如否曰如師

曰大德如同木石如否曰無二師曰大德與

木石何別僧無對良久却問如何得大涅槃

師曰不造生死業對曰如何是生死業師曰

求大涅槃是生死業捨垢取淨是生死業有

得有證是生死業不脫對治門是生死業曰

云何即得解脫師曰本自無縛不用求解直

用直行是無等等僧曰如禪師和尚者實謂

希有禮謝而去有行者問即心即佛那箇是

佛師云汝疑那箇不是佛指出看無對師云
 達即徧境是不悟求乖疎有律師法明謂師
 曰禪師家多落空師曰却是座主家多落空
 法明大驚曰何得落空師曰經論是紙墨文
 字紙墨文字者俱空設於聲上建立名句等
 法無非是空座主執滯教體豈不落空法明

曰禪師落空否師曰不落空曰何却不落空
 師曰文字等皆從智慧而生大用現前那得
 落空法明曰故知一法不達不名悉達師曰
 律師不唯落空兼乃錯用名言法明作色問
 曰何處是錯師曰律師未辨華竺之音如何
 講說曰請禪師指出法明錯處師曰豈不知

悉達是梵語耶律師雖省過而心猶憤然具
語薩婆易刺他悉陀中國翻云一切又問曰
義成舊云悉達多猶是說畧梵語
 夫經律論是佛語讀誦依教奉行何故不見
 性師曰如狂狗赴塊師子齧人經律論是自
 性用讀誦者是性法法明曰阿彌陀佛有父
 母及姓否師曰阿彌陀姓憍尸迦父名月上

母名殊勝妙顏日出何教文師曰出陀羅尼
 集法明禮謝讚歎而退有三藏法師問真如
 有變易否師曰有變易三藏曰禪師錯也師
 却問三藏有真如否曰有師曰若無變易決
 定是凡僧也豈不聞善知識者能迴三毒為
 三聚淨戒迴六識為六神通迴煩惱作菩提

振六

六

迴無明為大智真如若無變易三藏真是自
 然外道也三藏曰若爾者真如即有變易師
 曰若執真如有變易亦是外道曰禪師適來
 說真如有變易如今又道不變易如何即是
 的當師曰若了了見性者如摩尼珠現色說
 變亦得說不變亦得若不見性人聞說真如

變便作變解聞說不變便作不變解三藏曰
 故知南宗實不可測有道流問世間有法過
 自然否師曰有曰何法過得師曰能知自然
 者曰元氣是道否師曰元氣自元氣道自道
 曰若如是者則應有二師曰知無兩人又問
 云何為邪云何為正師曰心逐物為邪物從

心為正有源律師來問和尚修道還用功否
師曰用功曰如何用功師曰饑來喫飯困來
即眠曰一切人總如是同師用功否師曰不
同曰何故不同師曰他喫飯時不肯喫飯百
種須索睡時不肯睡千般計校所以不同也
律師杜口有韞光大德問禪師自知生處否

師曰未曾死何用論生知生即是無生法無
離生法說有無生祖師云當生即不生曰不
見性人亦得如此否師曰自不見性不是無
性何以故見即是性無性不能見識即是性
故名識性了即是性喚作了性能生萬法喚
作法性亦名法身馬鳴祖師云所言法者謂

振六

七

衆生心若心生故一切法生若心無生法無
從生亦無名字迷人不知法身無象應物現
形遂喚青青翠竹總是法身鬱鬱黃花無非
般若黃花若是般若般若即同無情翠竹若
是法身法身即同草木如人喫筍應總喫法
身也如此之言寧堪錄對面迷佛長劫希

求全體法中迷而外覓是以解道者行住坐
卧無非是道悟法者縱橫自在無非是法大
德又問太虛能生靈智否真心緣於善惡否
貪欲人是道否執是執非人向後通心否觸
境生心人有定否住寂寞人有慧否懷傲物
人有我否執空執有人有智否尋文取證人

苦行求佛人離心求佛人執心是佛人此智
稱道否請禪師一一為說師曰太虛不生靈
智真心不緣善惡嗜欲深者機淺是非交爭
者未通觸境生心者少定寂寞忘機者慧沉
傲物高心者我壯執空執有者皆愚尋文取
證者益滯苦行求佛者俱迷離心求佛者外
道執心是佛者為魔大德曰若如是應畢竟
無所有師曰畢竟是大德不是畢竟無所有
大德踊躍禮謝而去 洪州百丈山惟政禪
師一日謂衆曰你為我開田我為汝說大義僧
衆開田竟師晚間上堂僧問開田已竟請師
說大義師下禪牀行三步展手兩畔以目視

天地云大義田即今存矣有老宿見日影透
 窻問師曰為復窻就日日就窻師曰長老房
 內有客歸去好師問南泉曰諸方善知識還
 有不說似人底法也無南泉曰有師曰作麼
 生是不說似人底法泉云不是心不是佛不
 是物師曰恁麼則說似人了也曰某甲即恁
 麼師曰師伯作麼生曰我又不是善知識爭
 知有說不說底法師曰某甲不會請師伯說
 曰我太殺為汝說了也僧問如何是佛佛道
 齊師曰定也師因入京路逢官人命喫飯忽
 見驢鳴官人召云頭陀師舉頭官人却指驢
 師却指官人但法眼別云 洪州泐潭法會禪

振六

但法眼別云

路逢一虎各從虎邊過了南泉問歸宗云適
 來見虎似箇什麼宗云似箇猫兒宗却問師
 師云似箇狗子宗又問南泉泉云我見是箇
 大蟲師喫飯次南泉收生飯云生師云無生
 南泉云無生猶是末南泉行數步師召云長
 老長老南泉迴頭云怎麼師云莫道是末一
 日普請擇蕪菜南泉拈起一莖云這箇大好
 供養師云非但這箇百味珍羞他亦不顧南
 泉云雖然如此箇箇須嘗他始得玄覺云不是
 見相僧問如何是本來身師云舉世無相似
 洪州泐潭惟建禪師一日在馬祖法堂後坐
 禪祖見乃吹師耳兩吹師起定見是和尚却
 復入定祖歸方丈令侍者持一椀茶與師師
 不顧便自歸堂 澧州茗谿道行禪師師有
 時云吾有大病非世所醫後有僧問先曹山
 承古人有言吾有大病非世所醫未審喚作
 什麼病曹云攢簇不得底病云一切衆生還
 有此病也無曹云人人盡有云人人盡有和

振六

九

尚還有此病也無曹云正覓起處不得云一切衆生爲什麼不病曹云衆生若病即非衆生云未審諸佛還有此病也無曹云有云既有爲什麼不病曹云爲伊惺惺僧問如何修行師云好箇阿師莫客作僧云畢竟如何師云安置即不堪又僧問如何是正修行路師

云涅槃後有僧云如何是涅槃後有師云不洗面僧云學人不會師云無面得洗

撫州石鞏慧藏禪師本以戈獵爲務惡見沙門因逐群鹿從馬祖庵前過祖乃迎之藏問和尚見鹿過否祖曰汝是何人曰獵者祖曰汝解射否曰解射祖曰汝一箭射幾箇曰一

箭射一箇祖曰汝不解射曰和尚解射否祖曰解射曰和尚一箭射幾箇祖曰一箭射一群曰彼此是命何用射他一群祖曰汝既知如是何不自射曰若教某甲自射即無下手處祖曰這漢曠劫無明煩惱今日頓息藏當時毀棄弓箭自以刀截髮投祖出家一日在

厨作務次祖問曰作什麼曰牧牛祖曰作麼生牧曰一迴入草去便把鼻孔拽來祖曰子真牧牛師便休師住後常以弓箭接機如三

尚章師問西堂汝還解捉得虛空麼西堂云捉得師云作麼生捉堂以手撮虛空師云作麼生恁麼捉虛空堂却問師兄作麼生捉師

把西堂鼻孔拽西堂作忍痛聲云大殺拽人

鼻孔直得脫去師云直須恁麼捉虛空始得

衆僧參次師云適來底什麼處去也有僧云在師云在什麼處其僧彈指一聲僧到禮拜師云還將那箇來否僧云將得來師云在什麼處僧彈指三聲問如何免得生死師云用

免作什麼僧云如何免得師云這底不生死唐州紫玉山道通禪師者廬江人也姓何氏幼隨父守官泉州南安縣因而出家唐天寶初馬祖闡化建陽居佛迹巖師往謁之尋遷於南康龔公山師亦隨之貞元四年二月初馬祖將歸寂謂師曰夫玉石潤山秀麗益汝

振六

十

道業遇可居之師不曉其言是秋與伏牛山自在禪師同遊洛陽廻至唐州西見一山四面懸絕峯巒秀異因詢鄉人云是紫玉山師乃陟山頂見有石方正瑩然紫色歎曰此其紫玉也始念先師之言乃懸記耳遂翦茅構舍而居焉後學徒四集僧問如何出得三界

師云汝在裏許得多少時也僧云如何出離師云青山不礙白雲飛于頓相公問如何是黑風吹其船舫漂墮羅刹鬼國師云于頓客作漢問恁麼事怎麼于公失色師乃指云這箇便是漂墮羅刹鬼國于公又問如何是佛師喚于頓頓應諾師云更莫別求有僧舉似藥山藥山

云縛殺道漢也僧云和尚如何藥山云亦喚云某甲僧應諾藥山云是什麼元和八年弟子金藏參百丈迴禮覲師曰汝其來矣此山有主也於是囑付金藏託策杖徑去襄州道俗迎之至七月十五日無疾而終壽八十有三 江西北蘭讓禪師湖塘亮長老問伏承師兄盡得先師真旨請瞻禮師以兩手

擎臂開示之亮便禮拜師云莫禮莫禮亮云師兄錯也某甲不禮師兄師云汝禮先師真亮云因什麼教某甲莫禮師云何曾錯洛京佛光如滿禪師曾住五臺山金闍寺唐順宗問佛從何方來滅向何方去既言常住世佛今在何處師答曰佛從無為來滅向無為去法身

振六

等虛空常在無心處有念歸無念有住歸無住來為衆生來去為衆生去清淨真如海湛然體常住智者善思惟更勿生疑慮帝又問佛向王宮生滅向雙林滅住世四十九又言無法說山河及大海天地及日月時至皆歸盡誰言不生滅疑情猶若斯智者善分別師

答曰佛體本無為迷情妄分別法身等虛空未曾有生滅有緣佛出世無緣佛入滅處處化衆生猶如水中月非常亦非斷非生亦非滅生亦未曾生滅亦未曾滅了見無心處自然無法說帝聞大悅益重禪宗 袁州南源道明禪師上堂云快馬一鞭快人一言有事

何不出頭來無事各自珍重便下堂有僧問一言作麼生師乃吐舌云待我有廣長舌相即向汝道洞山來參方上法堂師云已相看了也洞山便下去至明日却上問云昨日已蒙和尚慈悲不知什麼處是與某甲已相看處師云心心無間斷流入於性海洞山云幾

放過洞山辭去師云多學佛法廣作利益洞山云多學佛法即不問如何是廣作利益師云一物莫違即是僧問如何是佛師云不可道你是也 忻州鄴村自滿禪師上堂云古今不異法亦如然更復何也雖然如此這箇事大有人罔措在時有僧問不落古今請師

直道師云情知汝罔措僧欲進語師云將謂老僧落伊古今僧云如何即是師云魚騰碧漢階級難飛僧云如何即得免茲過咎師云若是龍形誰論高下其僧禮拜師云苦哉屈哉誰人似我師一日謂眾曰除却日明夜暗更說什麼即得珍重時有僧問如何是無諍

之句師云喧天動地 朗州中邑洪恩禪師仰山初領新戒到謝戒師見來於禪牀上拍手云和和仰山即東邊立又西邊立又於中心立然後謝戒了却退後立師云什麼處得此三昧仰云於曹谿脫印子學來師云汝道曹谿用此三昧接什麼人仰云接一宿覺用

此三昧仰云和尚什麼處得此三昧來師云某甲於馬大師處學此三昧問如何得見性師云譬如屋屋有六窻內有一獼猴東邊喚山山山山應如是六窻俱喚俱應仰山禮謝起云所蒙和尚譬喻無不了知更有一事只如內獼猴困睡外獼猴欲與相見如何師

下繩牀執仰山手作舞云山山與汝相見了譬如螞蟥蟲在蚊子眼睫上作窠向十字街頭叫喚云土曠人稀相逢者少雲居錫云中得見中 洪州百丈山懷海禪師者福州長

樂人也卅歲離塵三學該練屬大寂闡化南
康乃傾心依附與西堂智藏南泉普願同號
入室時三大士爲角立焉一夕三士隨侍馬
祖既月次祖曰正恁麼時如何西堂云正好
供養師云正好修行南泉拂袖便去祖云經
入藏禪歸海唯有普願獨超物外馬祖上堂

大衆雲集方升座良久師乃卷却面前禮拜
席祖便下堂師再參馬祖祖見師來取禪床
角頭拂子豎起師云即此用離此用祖掛拂
子於舊處師良久祖云你已後開兩片皮將
何爲人師遂取拂子豎起祖云即此用離此
用師掛拂子於舊處祖便唱師直得三日耳

振六

十三

聾自此雷音將震檀信請於洪州新吳界住
大雄山以居處巖巒峻極故號之百丈既處
之未暮月參玄之賓四方麈至即有瀉山黃
蘗當其首一日師謂衆曰佛法不是小事老
僧替再參馬祖被大師一喝直得三日耳聾
眼暗時黃蘗聞舉不覺吐舌師曰子已後莫

承嗣馬祖去蘗云不然今日因師舉得見馬
祖大機之用然且不識馬祖若嗣馬祖已後
喪我兒孫師云如是如是見與師齊滅師半
德見過於師方堪傳授子甚有超師之作一
日有僧哭入法堂來師曰作麼曰父母俱喪
請師選日師云明日來一時埋却師上堂云
併却咽喉脣吻速道將來瀉山云某甲不道
請和尚道師云不辭與汝道久後喪我兒孫
五峯云和尚亦須併却師云無人處斫額望
汝雲巖云某甲有道處請和尚舉師云併却
咽喉脣吻速道將來雲巖曰師今有也師曰
喪我兒孫師謂衆曰我要一人傳語西堂阿
誰去得五峯云某甲去得師云汝作麼生傳
語五峯云待見西堂即道師云道什麼五峯
云却來說似和尚師與瀉山作務次師問有
火也無瀉山云有師云在什麼處瀉山把一
枝木吹三兩氣過與師師云如蟲蝕木問如
何是佛師云汝是阿誰僧云某甲師云汝識

某甲否僧云分明箇師乃舉起拂子云汝還見麼僧云見師乃不語因普請鑿地次忽有一僧聞飯鼓鳴舉起鑿頭大笑便歸師云俊哉此是觀音入理之門師歸院乃喚其僧問適來見什麼道理便恁麼對云適來只聞鼓聲動歸喫飯去來師乃笑問依經解義三出

佛怨離經一字如同魔說如何師云固守動靜三世佛怨此外別求即同魔說因僧問西堂云有問有答不問不答時如何西堂云怕爛却作麼師聞舉乃云從來疑這箇老兄僧云請和尚道師云一合相不可得師謂衆云有一人長不喫飯不道饑有一人終日喫飯

振六

十四

不道飽衆皆無對雲巖問和尚每日驅驅爲阿誰師云有一人要巖云因什麼不教伊自作師云他無家活僧問如何是大乘頓悟法門師曰汝等先歇諸緣休息萬事善與不善世出世間一切諸法莫記憶莫緣念放捨身心令其自在心如木石無所辯別心無所行

心地若空慧日自現如雲開日出相似俱歇一切攀緣貪嗔愛取垢淨情盡對五欲八風不被見聞覺知所縛不被諸境所惑自然具足神通妙用是解脫人對一切境心無靜亂不攝不散透一切聲色無有滯礙名爲道人但不被一切善惡垢淨有爲世間福智拘繫

即名爲佛慧是非好醜是理非理諸知見總盡不被繫縛處心自在名初發心菩薩便登佛地一切諸法本不自空不自言色亦不言是非垢淨亦無心繫縛人但人自虛妄計著作若干種解起若干種知見若垢淨心盡不住繫縛不住解脫無一切有爲無爲解平等心量處於生死其心自在畢竟不與虛幻塵勞蘊界生死諸入和合迥然無寄一切不拘去留無礙往來生死如門開相似若遇種種苦樂不稱意事心無退屈不念名聞衣食不貪一切功德利益不爲世法之所滯心雖親受苦樂不于懷麓食接命補衣禦寒暑瓦

振六

五

兀如愚如聾相似稍有親分於生死中廣學知解求福求智於理無益却被解境風漂却歸生死海裏佛是無求人求之即乖理是無求理求之即失若取於無求復同於有求此法無實無虛若能一生心如木石相似不為陰界五欲八風之所漂溺即生死因斷去生自由不為一切有為因果所縛他時還與無縛身同利物以無縛心應一切心以無縛慧解一切縛亦能應病與藥僧問如今受戒身口清淨已具諸善得解脫否答少分解脫夫得心解脫未得一切解脫問云何是心解脫答不求佛不求知解垢淨情盡亦不守此無求為是亦不住盡處亦不畏地獄縛不愛天堂樂一切法不拘始名為解脫無礙即身心及一切皆名解脫汝莫言有少分戒善將為便了有恒沙無漏戒定慧門都未涉一毫在努力猛作早與莫待耳聾眼暗頭白面皺老苦及身眼中流淚心中悵惶未有去處到恁

麼時整理脚手不得也縱有福智多聞都不相救為心眼未開唯緣念諸境不知返照復不見佛道一生所有惡業悉現於前或忻或怖六道五蘊現前盡見嚴好舍宅舟船車輦光明顯赫為縱自心貪愛所見悉變為好境隨所見重處受生都無自由分龍畜良賤亦總未定問如何得自由答如今對五欲八風情無取捨垢淨俱亡如日月在空不緣而照心如木石亦如香象截流而過更無疑滯此人天堂地獄所不能攝也又不讀經看教語言皆須宛轉歸就自己但是一切言教只明如今覺性自己俱不被一切有無諸法境轉是導師能照破一切有無境法是金剛即有自由獨立分若不能恁麼得縱令誦得十二圍陀經只成增上慢却是謗佛不是修行讀經看教若准世間是好善事若向明理人邊數此是壅塞人十地之人脫不去流入生死河但不用求覓知解語義句知解屬貪貪變

振六

十六

成病只如今但離一切有無諸法透過三句
外自然與佛無差既自是佛何慮佛不解語
只恐不是佛被有無諸法轉不得自由是以
理未立先有福智載去如賤使貴不如於理
先立後有福智臨時作得捉土為金變海水
為酥酪破須彌山為微塵於一義作無量義

於無量義作一義師有時說法竟大眾下堂
乃召之大眾迴首師云是什麼藥山日之為
百丈下堂句
唐元和九年正月十七日歸寂壽九十五長
慶元年勅謚大智禪師塔曰大寶勝輪禪門
規式百丈大智禪師以禪宗肇自少室至曹
谿以來多居律寺雖別院然於說法住持未

合規度故常爾介懷乃曰祖之道欲誕布化
元莫來際不泯者豈當與諸部阿笈摩教為
隨行耶舊梵語阿舍新云阿
笈摩即小乘教也或曰瑜伽論纒
珞經是大乘戒律胡不依隨哉師曰吾所宗
非局大小乘非異大小乘當博約折中設於
制範務其宜也於是創意別立禪居凡具道

眼有可尊之德者號曰長老如西域道高臘
長呼須菩提等之謂也既為化主即處于方
丈同淨名之室非私寢之室也不立佛殿唯
樹法堂者表佛祖親囑受當代為尊也所哀
學眾無多少無高下盡入僧中依夏次安排
設長連牀施施架挂搭道具卧必斜枕牀唇

振六

十七

右脇吉祥睡者以其坐禪既久畧偃息而已
具四威儀也除入室請益任學者勤怠或上
或下不拘常準其闔院大眾朝參夕聚長老
上堂陞堂主事徒眾鴈立側聆賓主問酬激
揚宗要者示依法而住也齋粥隨宜二時均
徧者務于節儉表法食雙運也行普請法上
下均力也置十務謂之寮舍每用首領一人
管多人營事令各司其局也主飯者目為飯
頭主菜者目為
菜頭他
皆做此或有假號竊形混于清眾并別致喧
撓之事即堂維那檢舉抽下本住掛搭擯令
出院者貴安清眾也或彼有所犯即以拄杖
杖之集眾燒衣鉢道具遣逐從偏門而出者

示耻辱也詳此一條制有四益一不汚清衆

生恭信故三業不善不可共住律合用

生矣二不毀僧形循佛制故法隨宜懲罰得留

三不擾公門省獄訟故四不洩于外護宗綱

故四來同居聖凡熟辨且如來應世尚有一僧有六

今過禪便雷例黨況今像未豈得全無但見一僧甚式

量事區分且立法防姦不為賢士然寧可有

格而無犯不可有犯而無教惟百丈禪師護

法之益其禪門獨行由百丈之始今略叙大

要編示後代學者令不忘本也其諸軌度山

振六

景德傳燈錄卷第六

第千陳道厚書

振大

晟成武泐音鎬音姥音鞏音

昌容音連音帥音

葛魚音殺音拽音

曉音磨音鏗音

示音哀音

十八末

景德傳燈錄卷第七

振七

懷讓禪師第二世四十五人馬祖法嗣十

潭州三角山總印禪師 池州魯祖山寶雲禪師

洪州泐潭常興禪師 虔州西堂智藏禪師

京兆章敬寺懷惲禪師 定州栢巖明哲禪師

信州鵝湖大義禪師 伏牛山自在禪師

幽州盤山寶積禪師 毗陵芙蓉山大毓禪師

蒲州麻谷山寶徹禪師 杭州鹽官齊安禪師

婺州五洩山靈默禪師 明州大梅山法常禪師

京兆興善惟寬禪師 湖南如會禪師

鄂州無等禪師 廬山歸宗寺智常禪師

師州清涇山洪濟禪師 練山神翫禪師

池州峴山道觀禪師 玉臺惟然禪師

寺師津河府法京北藏師 荆州新寺寶積師

周師白虎法宣府崇師 禪師金密乾元惟直師

禪師齊州道巖常微師 襄州乾元禪師

師師南寶真巖禪師 雲水靖宗堅禪師

浮山修廣禪師 峴山定慶禪師

州洞泉堆獻禪師 光明普滿禪師